

前漢書卷九十一
輪臺言不指張掖酒泉言也今從宋本移正

焉耆國傳治員渠城○

臣召南

按後書作南柯城又北

與烏孫接近海水多魚後書曰其國四面有大山與
龜茲相連有海水曲入四山之內周匝其城三十餘
里卽其說也焉耆北接烏孫西去條支絕遠所謂海
者指大澤巨浸如蒲類蒲昌並稱爲海之比非北海
亦非西海也

狐胡國傳治車師柳谷○

臣召南

按後漢班勇爲西域

長史屯柳中後書西域傳諸國道里俱以去長史所
居爲率疑卽此柳谷也